



**** Durante e carnaval di mucha na Playa, Polisnan tabata tin hopi trabao pa controla e multitud enorme cu tabata tras di e trailer di Tatoo, Ramphis y Super Orquesta Qua-Si.**



**** Durante e carnaval di mucha na San Nicolas caminda nan a cuminsa cosecha exito, Tatoo y Ramphis a dicidi di subi riba nan trailer.**



TELEFONNAN DI DIARIO
22207-26747-35023

TATOO UN BIAHA MAS A MARCA HISTORIA

"Back and Front" roadjam di aña

**** Richard "Tatoo" Quandt**, un biaha mas a marka historia cu su tremendisimo hit di roadmarch *"Back and Front"*, cual roadmarch merecidamente a ser premia como e roadjam di aña.

Huradonan no a escohe "Back and Front" como e roadmarch di Carnaval durante e Calypso contest, pero historia ta ripiti pa Tatoo un biaha mas, ora cu pueblo mes a dicidi cu ta "Back and Front" ta nan kick di Carnaval.

Na Aña 1991 tabata e mes un caso caminda Tatoo no sali Rey di Tumba cu e Tumba "Indian", pero tog despues "Indian" a resulta den un di e tumbanan cu a haci mas impacto den historia di Carnaval.

Aña pasa Tatoo a graba su nomber como e prome cantante den historia, triunfando tanto como Rey di Calypso y Rey di Tumba. E hazaña aki lo bay dura hopi pa un otro cantante logra, debi cu ta masha poco cantante ta participa den ambos contest.

Por bay spera hopi mas di Tatoo den futuro, kende actualmente hunto cu Ramphis ta formando duo di e formidable orquesta QUA-SI. E orquesta aki cu apenas tin seis luna di existencia a produci varios exitoso hitnan riba mercado e.o., Mal Maneho, "Lift your legg up" y nan recien roadjam di aña "Back and Front". E basilon di e roadjam aki cu a ser composita pa Tatoo y aregla pa Chucho Hoek, tabata "Jump with your towel", cu a pone tanto hende grandi y chiquito, como tambe e turistanan trece nan towel pa asina basila den Carnaval. E negoshi di towel tambe a bay hopi bon pa e comerciantenan.

Propetario di Orquesta Qua-Si, Mr. Edwin Ras y e simpatica dama Gina Ponce, y tambe nan dinamico roadmanager Meiller Lourens por ta sumamente orgulloso di tanto Tatoo, Ramphis y demas integran-tenan pa nan tremendo logronan den apenas algun luna di existencia. Actualmente ya caba nan ta den Aruba Recording Studio pa graba nan prome CD, cual muy pronto lo ta riba plaza. Keda pendiente !!



******** Durante temporada di carnaval un biaha mas Juby Naar (POPO) y Robby Burieson (SKRIBIDI) a sobresali cu e column di Popo y Skribidi ta informa, y nomag di lubida tampoco SKRIBIDINA (Aureen Werleman) cu pa e prome dos simannan sigur a "pinch hit" pa SKRIBIDI. Hunto cu e trio aki a traha incansable pa carnaval tambe e fotografonan Efrem Sylvania y Juni Tromp cu a cubri e eventonan y percura pa e fotonan. DEN AMBIENTE awe kier duna reconcimientu na e grupo aki cu un biaha mas a percura pa lectornan di DIARIO tabata altanto di tur desarollo di Carnaval 1993 y cu ya a cuminsa planificacionnan pa celebracion di e di 8 lustro di nos carnaval na 1994.